



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola V. Innocentii Papae IV. Ad Praelatos Angliae. De subsidio
pecuniario regi de redditibus suis conferendo.

urn:nbn:de:hbz:466:1-15974

EPISTOLA V.

INNOCENTII PAPÆ IV.

AD PRÆLATOS ANGLIÆ.

De subsidio pecuniario regi de redditibus suis conferendo.

Innocentius episcopus, &c. archiepiscopus, episcopus, & dilectis filiis abbatibus, prioribus, archidiaconis, decanis, & aliis ecclesiærum prælatis & clericis per regnum Anglie constitutis, salutem & apostolicam benedictionem.

DEbet mater ecclesia hos qui regali præminent dignitate illa prærogatiua prosequi, & ea muneris gratia præuenire, quod in ipsius deuotione potestas semper ferueat, & ad eius per consequens subiectorum obsequia peruigil habeatur. Cum igitur inter reges ceteros orbis terræ carissimum in Christo filium nostrum regem Angliae illustrem singularis dilectionis brachiis amplectamur, qui veluti princeps catholicus & deuotus Romanam ecclesiam matrem suam filiali subiectione & obsequio deuotionis sic semper studuit venerari, quod nequam ab ipsius beneplacitis declinaret, quinimo quæ ipse grata nouit & placita sollicitudine prompta peregit; non est mirum, imo condecens est & condignum, si ipsius pre-cibus facilius annuamus, si honoris ipsius & status quæramus gloriam & augmentum: si ad quod affectus ipsius dirigatur, vestræ liberalitatis effectus consonet in idipsum. Sane cum idem rex, sicut ex parte ipsius fuit propositum coram nobis, pro quibusdam negotiis magnis & arduis quæ sibi imminebant adeo subierit grauia & subire adhuc ipsum oporteat onera expensarum, quod vestræ subuentio[n]is indigere subsidio dignoscatur, vniuersitatem vestram rogamus, monemus & hortamur attente, per apostolica scripta mandantes, quatenus attendentes prudenter, quod vos decet & conuenit eo libentius ipsius regis supportare labores, & grauamina releuare, quo minus posset sine vestri status & honoris dispendio alicuius iactura vel incommoditatis onere prægrauari, sibi de vestris redditibus honestum subsidium liberaliter conferatis: ut idem expensarum suarum, vestræ subuentio[n]is propitiante dextera, perferre leuius onus possit, vosque pro-

Concil. Tom. 28.

Ccc

inde vobis eiusdem regis, cuius bonorum estis participes, honoris & gloriæ non expertes, fauorem & gratiam, quibus procul dubio indigetis, valeatis futuris temporibus vendicare, & nos, qui haberi volumus ex hoc ad vestra & vestrarum ecclesiarum commoda promptiores, deuotio-
nis vestrae promptitudinem non immerito commendemus.

Datum Ianuæ quarto Kalendas Augusti, pontificatus nostri anno secundo.

EPISTOLA VI.
INNOCENTII PAPÆ IV.
AD ARCHIEPISCOPVM ET CAPITVLVM COLONIENSE.

De trium Magorum miraculis ac cultu.

*Innocentius episcopus seruus seruorum Dei fratri archiepiscopo
& dilectis filiis capitulo Coloniensi salutem & apo-
stolicam benedictionem.*

LICET is, de cuius munere venit ut sibi a fidelibus suis digne ac laudabiliter seruiatur, de abundantia pietatis suæ, quæ merita supplicum excedit, vota bene servientibus multo maiora retribuat quam valeant promereri, nihilo minus tamen desiderantes reddere Domino populum acceptabilem, fideles Christi ad complacendum ei, quasi quibusdam illestitiis muneribus, indulgentiis scilicet & remissionibus, inuitamus, ut exinde reddantur diuinæ gratiæ aptiores.

Cupientes igitur ut ecclesia vestra, in qua trium sanctorum Magorum corpora coruscantia multis miraculis sub veneranda custodia conseruantur, congruis honoribus frequentetur, omnibus vere pœnitentibus & confessis, qui ecclesiam ipsam in festivitate ipsorum sanctorum venerabiliter visitauerint, annuatim de omnipotentis Dei misericordia & beatorum Petri & Pauli apostolorum eius auctoritate confisi, quadraginta dies de iniuncta sibi pœnitentia annis singulis misericorditer relaxamus.

Datum Lugduni sexto Kalendas Aprilis, pontificatus nostri anno quarto.